

# SANTAKRUTZAK

## LEZO 2023

BIDASOA.HITZA.EUS  
OARSOALDEA.HITZA.EUS

**A**lkate txikien hitzaldiarekin, txupinazoarekin, Murixkako dantzarien Agurra-rekin, eta Tomas Garbizu Musika Eskolako Bandaren nahiz Munttar Lezoko Txistulari Elkartearen eskutik iritsiko den *Lezoko herria* ereserkiarekin hasiko dira hilaren 13an, datorren asteko asteazkenean, 2023ko Lezoko Santakruz Jaia. Hortik aurrera, 59 ekitaldiko egitaraua egikarituko dute horren arduradun diren jai batzordeko kideek. Askok eta askotarikoak dira. Udalak banatu duen jaien egitarauan agertzen denez, 94.003 euroko aurrekontua du bost eguneko festa aroak.

Oarso Bidasoko herrietako jai handien artean —auzoetakoekiko eta Pasaiaiko jai txikiekiko errespetuz— azkenak izango dira Lezokoak. Maiatzan, mendekosteak, izan ziren lehenak. Ordutik festa ordu askoz gozatzeko izan dute hala nahi izan duten guztiek, baina ukazina da Lezoko santakruzak izaera oso berezia dutela, batez ere herritarrek herritarrentzat eginak direlako. Egin daitezela giro onean, errespetuz, eta berdintasunean. ✕



Beti errespetuz  
eta txukun...

**Goieko**  
INDUSTRIA GARBITASUNERAKO  
SISTEMA ETA PRODUKTOAK

...gora  
santakruzak!

*Irunen eta Beran*

*aurkituko gaituzu*

943 63 45 36

[www.goieko.com](http://www.goieko.com)

# ARRANTZALEAK ETA TARTEKOAK



Bazkaldu aurretik, txupinazoan bilduko dira kuadrillak. Olaia Gerendiain

## Bazkari bat baino askoz gehiago

**Ehunka izango dira aurten ere Arrantzaleen eta Tartekoen bazkariarekin bat egingo dutenak. Herri giroa sortzeaz gain, belaunaldien arteko harremana indartzeko eguna izango da.**

### URKO ETXEBESTE PETIRENA

Santakruz Egunaren bezperako elkarteen danborradarekin borroka adiskidetsuan, baina esan daiteke Santakruz Eguneko Arrantzaleen eta Tartekoen bazkaria Lezoko iraileko festetan herri-tarren parte hartze zuzena duen ekitaldirik jendetsuena dela. Iaz, esaterako, ia 800 izan ziren kuadrillen bazkarira bildu zirenak. Aurtengoa, bazkari bateratuaren laugarren ekitaldia dela azaldu du Jon Tovalek, bazkaria eta eguna antolatzaren ardura hartzeko kideak. «Aurretik bananduta egiten ziren Arrantzaleena eta Tartekoena. Bateratu denetik, beste dimentsio bat hartu du honek. Egia esan, azken urteetan izan duen inpaktua oso handia izan da», zehaztu du. Urte urte handitzen joan da, eta irailaren 14a asteguna edo asteburua izan, sekulako harrera izaten du.

Nolabait esateko, Arrantzaleen bazkari-ira joaten zirenak herriko gazteak ziren. Tartekoena, berriz, adinean koska batzuk gora egindakoena zen. Baina bien artean baziren herritarrak ez batean zein bestean eroso ez zeudenak. Bateratzea egin zenetik, haiek ere badute i-14ko bazkariak eta giroaz gozatzeko aukera. Erne: Tartekoena eta Arrantzaleena ez da eguneko bazkari bakarra. Adinekoek ere badute euren otordua, Aiton Bordaren ekimenez, Etxeberri jatetxean.

Bazkari erraldoiaren inguruan dauden ekintza osagarriak ez dute sekretu handiegirik. Baina sinpletasun horrek ere ematen dio egunari berezko duen xarma, hau da, hainbat belaunalditako lezo-



LEZO  
INSTITUTUA

**HAZI, HEZI, BIZI EUSKARAZ  
ETA ONGI PASA SANTAKRUTZAK!**

**LEZO INSTITUTUA**

Tel.: 943 89 92 81  
lezoinstitutua.hezkuntza.net  
institutua@lezoinstitutua.net

Tel.: 943 514 804  
info@lezoherrieskola.eus  
www.lezoherrieskola.eus

**Lezo  
Herri Eskola**





## ARRANTZALEAK ETA TARTEKOAK

Herri Eskolako jolastokiko bazkarian belaunaldien arteko nahaste ederra izaten da. U. E.

arrak elkartzearen zirrara. Hilaren 14ko 12:30ean hasiko dira biltzen kuadrillak Kale Nagusian Txirbilla Sound Systemen doinuekin; ondoren, txupinazoa egingo dute Gurutze Santuaren plazan, eta handik Lezo Herri Eskolako jolastokiko jatetxe handira joango dira. Jan, egon, elkar ezagutu eta jaso ondoren, kallelara eramango dute festa lezoarrek, Jaixkipe txarangaren deabruaren erritmoarekin kalejira egingo dutelako 18:30ean hasita.

Egunaz *i-14 klabea*n gozatzeko aukera ematen duten txartelak hilaren 10era arte (igandea) daude salgai, 25 euroan, Txingurrin, Tiñelun eta Arruti saltokian. «Salmenta erritmo onean doa. Iazko partaide kopuruan izango gara ziu-rrerik», zehaztu du Tovalek.

### ZUBIAK ETA ZAPIAK

Tovalek aipatu duenez, bazkari bateratua egin zuten lehen urtean zalantzak izan zituztela ea herritarren erantzuna zein izango zen. Berehala uxatu zituzten

zalantzak: «Herritarrek hartu duten konpromisoa oso handia izan da». Lezo-arrak izango dira eguneko ekintzetan parte hartuko duten gehienak, baina Tovalek adierazi du herri bazkarian *atzerrilaz ia 800 lagun bildu ziren bazkarian. Igandera arte eros daitezke txartelak*

*tarrak* ere izaten direla, sanjuandarrak edo antxotarrak tartean direla. Baina beste alor batean jarri du azpimarra lezoarrek: «Guretzat puntu garrantzitsuenetakoa da gazteak eta haien gurasoak

izaten direla bazkarian. Hasiera batean pentsatu genuen hori gatazkatsua izan zitekeela. Baina ez da horrela izan. Herri gutxitan ikusten da gurasoak euren seme-alabekin herri bazkari batean izatea, eta elkarrekin ondo pasatzen egotea, dantzatzea, gozatzeta... Herri giro hori bultzatu nahi dugu».

Tovalek azaldu du urtetik urtera alda daitekeela egunaren antolaketa bideratzeko taldea, baina badutela egitura trinko bat, eta pilatu duten eskarmen-tuarekin ez zaiela oso zail egiten den dena antolatzea, nahiz eta dezenteko lana izan. Baina zabalik dute taldea, edonork parte har dezake, edozein kuadrilla edo adinekoa dela ere, «zenbat eta pertsona gehiago izan laguntzen, hobeto». Udalaren eta Piztu Lezoren laguntza eskertu du.

Herrietako festetan, asko dira ekintza jakin batzuen ardura izan, eta aldi berean festaz gozatzeko nahia izaten dutenak. Hori da Tovalen eta hark ordezkatzan duen lantaldearen kasua: «Bada konpromisoa jaietan zerbait antolatzea. Nahi duguna da herriak ondo pasa dezala. Garrantzia handia hartu du egun honek. Aurreko urteetan oso ondo joan da, eta aurten ere hori desio dugu». ✕

**Taloka** *Aupa Gu ta Gutarrak!*  
KAFE OKINDEGIA  
GOZOTEGIA

Polentzarrene Kalea, 3 | 20100 Lezo | T. 943 520 420 | [www.taloka.net](http://www.taloka.net)



Lezoko  
Unibertsitateko  
Udala



**Udako unibertsitateko  
ikastarorik egin duzu  
euskaraz?**

**Eskatu zure dirulaguntza**

## GAZTE EGUNA

# Laguntzetik ardurak hartzerako bidea egiteko

URKO ETXEBESTE PETIRENA

Piztu Lezok biharko antolatu du 2023ko Gazte Eguna. Gazteen arteko elkar ezagutza lantzea, eta harremanak indartzea izango da egunaren xede nagusia. Baina aurtengoak badu sakoneko nahia: Piztu Lezoren barruan belaunaldi aldaketarako bidea egiten hastea. «Aldaketa ez dugu egun batetik bestera egin nahi. Baina duela urte batzuetatik hona Piztu Lezok ardurak izan ditugunon desioa da jende gazte berriak taldearen barruan kon-



lazko Gazte Eguneko bazkarikoa da ondoko irudia. Alaine Aranburu

promisoa hartzea, bidea has dezala». Bidelagun asko ditu Piztu Lezok, laguntzaileak. Baina herriko gazteei laguntzetik ardurak hartzerako urratsa egitea eskatu diete. Bidelagun izatetik, bideorria ezartzeko hautua hartzera. Arrauna utzi, eta lema hartzera.

Horretan eragiten hasteko, egun osorako egitaraua prestatu du biharko he-

rriko eragileak. Santakrutzen usaina nabari dela eutsiko diote jai giroko ekintza sortari. Hala, 10:30ean eta Karlos Saldise plazan Herri Olinpiaden finalari eutsiko diote hainbat kuadrillatako kideez osatutako talde berde, hori eta urdinak, joan den larunbateko kanporaketan haiek izan zirelako onenak; Lau Katu txarangarekin herria girotu ondoren (12:30), argazki erraldoia egingo dute Saldiseko bazkariaren (14:30ean) aurretik; bazkarirako txartelak erosterakoan bazkarian zein ardura (muntaketa, zerbitzatzea, jasotzea...) izango duen esleitu zaio gazte bakoitzari.

Bingo musikatuaren ondoren Elektrokela elektrotxarangarekin gerriak astindu eta besoak altxatuko dituzte gazteek Lezo guztitik (18:30), herria astindu eta girotzea baita ere haien helburua. Bide Batez erromeriak itxiko du larunbatean hasi eta ziurrenera igandean bukatuko den egitasmoa. Arduraz beti ere. ✕

**Kale nagusia, 2.**  
**20100 LEZO**  
**Tel.: 943 52 92 44**



**SAHATSA**  
*Taberna*  
**Ondo pasa Santakrutzak!!**

**OGITARTEKOAK:**  
**- tortilla**  
**- urdaizpikoa**

**PINTXOAK:**  
**Hotzak eta beroak**



**FINKEN  
KUDEAKETA  
INTEGRALA**

**ABOKATUAK**  
☛ *Juan Luis Urkizu  
Urretabizkaia*  
☛ *Jose Ramon Perez  
Bendaña*

**Gora Santakrutzak!**

Aralar kalea 2, behea . 20100 LEZO . 943 34 40 21

**TXINGURRI  
PUB**



gora  
santakrutzak!

Tel.: 943 34 01 56  
Jaizkibel hiribidea, 23 - LEZO